

13 Ապա մինչ դեռ անդէն եւս էր արքայն Յայոց առ արքային Պարսից, եւ մեծ սեր էր ի մէջ Նոցա եւ մեծ խաղաղութիւն, երկնչելով երկեալ թագաւորն Պարսից Շապուհ, եթէ գուցէ ստեսցէ սիրոյն Նորա Արշակ արքայ Յայոց, եւ լիցի միաբան ընդ կայսերն Յունաց, եւ կամ կողաբակ ինչ լիցի ի նմանէ: 14 Եւ ոչ հաւատայր նմա՝ թէ պահեսցէ առ Նա զմտերմութիւն սիրոյն, եւ կացցէ յուխտին միաբանութեան¹ ընդ նմա: 15 Վասն այսորիկ երդումն պահանջեր ի նմանէն, մինչեւ կարի ստիպեալ բռնադատեաց զՆա. Յաւանեաց, ասէ, եւ երդուիր ինձ յաւրէնս քո, զի մի՛ ստեսցես ինձ: 16 Իսկ իբրեւ կարի բռնադատեցաւ եւ ի Նեղ անգաւ եւ շտապեալ տազնապեցաւ, ետուն հրաման ածել զերիցունս եկեղեցոյն Տիսպոնի քաղաքի, որում անուն գլխաւորին Մարի. եւ բերին զԱւետարանն սուրբ, եւ տայր երդումն արքայն Պարսից Շապուհ արքային Յայոց Արշակայ՝ երդնուլ յաստուածեան Աւետարանն, զի այլ մի՛ եւս ստեսցէ նմա. այլ կացցէ յուխտի Նորա, եւ պահեսցէ զդաշինս Նորա: 17 Եւ վասն զի պատգամաւոր իրացս այսոցիկ էր տանուտերն Նահապետն Մամիկոնեան տոհմին երեց եղբայր Վասակայ սպարապետին, որում անուն Վարդան կոչէր, մեծապէս արքայ Շապուհ յակն առեալ սիրէր զՆա: 18 Իսկ իւր եղբայրն Վասակ զաւրավարն Յայոց Նախանձ բերէր ընդ երիցու եղբաւրն իւրում ընդ Վարդանայ: 19 Վամեցաւ խանգար առնել ի մէջ Արշակայ թագաւորին Յայոց, եւ փախչել. այլ ասեր Շապուհ. Թէ ձեր սրտի մտաւք էր տուեալ զերդումն, զիա՞րդ կարէր ըստ հաւանութեան ելանել երդմանցն եւ կամ փախչել: 20 Այլ, ասէ, գիտեմ զի կախարդութեամբ խաբեցէք զիս. եւ որ ունի զաւրէնսն ձեր, զՆա սիրեցէք, եւ Նենգութեամբ նմա խորհրդակից եղեալ՝ յինէն փախուցէք եւ կամիք դուք զտերութիւն Արշակունեաց ի վերայ ձեր, եւ զնոյն խնդրէք:

21 Եւ երդնու Շապուհ արքայ յարեգակն եւ ի ջուր եւ ի կրակ, եթէ ոչ միում մարդոյ՝ որ յայդմ աւրէնս քրիստոնէութեան է՝ ոչ տամ ապրել. եւ հրաման տայր զամենեսեան տանել սպանանել: 22 Եւ տանէին զգլխաւորն Նոցա զՄարի երեց, եւ զայլ երիցունսն եւ զսարկաւազունսն, աւելի քան զելթանասուն այր, ի մի գուր զամենեսեան զնոսա փողոտէին: 23 Եւ զԱւետարանն սուրբ՝ յոր երդուաւ թագաւորն Արշակ՝ կապէր² պատեր երկաթի սարեաւք, եւ իւրով մատանեաւ կնքեալ, ի գանձտան³ հրամայէր, եւ տայր հրաման պահել զգուշութեամբ:

1 *Օրինակ մի՛* կացցէ միաբանութեամբ

2 *Օրինակ մի՛* կապեալ

3 *Օրինակ մի՛* ի գանձատունն